

Voce 'E Notte!

Mina

Si 'sta voce te sceta 'int'a nuttata
Mentre t'astrigne 'o sposo tuo vicino
Statte scetata, si vuò sta' scetata
Ma fa vedè ca duorme a suonno chino

Nun gghi vicino 'e lastre pe ffa 'a spia
Pecchè nun può sbaglià: sta voce è 'a mia
E' a stessa voce 'e quanno tutt'e dduie
Scurnuse nce parlavamo c'o vvuie

Si sta voce te canta dint'o core
Chello ch'io nun te cerco e nun te dico
Tutt'o turmiento 'e 'nu luntano ammore
Tutto l'ammore 'e 'nu turmiento antico

E si te vene 'na smania 'e vulè bene
'Na smania 'e vase currere 'pè vvene
Nu fuoco ca t'abbrucia comm'a cche
Vasate a chillo, che te 'mporta 'e me?

Si sta voce che chiagne 'int'a nuttata
Te sceta o sposo, nun avè paura
Dille ch'è senza nomme 'a serenata
Dille ca dorme e ca se rassicura

Dille accussì: chi canta 'int'a sta via
O sarrà pazzo o more 'e ggelusìa
Starà chiagnenno quacche 'nfamità
Canta isso sulo, ma che canta a ffà?